



Dásseválddi presideantta válga 2018

Suoma riikkavuložat válljejit presideantta válggain guða lagi gaskka.

Vuosttas válga:

- Válgabeaivi lea sotnabeaivi 28.1.2018
- Ovdajienasteapmi Suomas 17.–23.1.2018
- Ovdajienasteapmi olgoriikkain 17.–20.1.2018

Vejolaš nubbi válga:

- Válgabeaivi lea sotnabeaivi 11.2.2018
- Ovdajienasteapmi Suomas 31.1.–6.2.2018
- Ovdajienasteapmi olgoriikkain 31.1.–3.2.2018

Presideantta doaimmat

Presideanta nanne lágaid, maid riikkabeaivvit lea dohkkehan.

Presideanta joðiha Suoma olgopolitihka ovttas ráððehusain.

Presideanta nammada oaiveministara ja eará ministariid doaimmaide. Lassin presideanta nammada duopmáriid ja muhtun alla virgeolbmuid.

Presideanta lea maiddái Suoma bealuštanfámuid allahoavda. Soaðis ja ráfis presideanta mearrida riikkabeivviid miehtama manjnjá.

Gii oažžu jienastit?

Don oačhot jienastit presideantaválggain,

- Jus leat Suoma riikkavuloš
- Jus leat deavdán 18 lagi manjmustá 28.1.2018.

Gean sáhtát jienastit?

Bellodagat ja válljensearvvit sáhttet ásahtit evttohasaid presideantaválgaide. Evttohas galgá leat Suoma riikkavuloš. Juohke evttohasas lea iežas nummir. Presideantaevttohasat lea evttohassan oppa riikkas, nuba sáhtát jienastit dan evttohasa gean háliidat. Dieđu presideanta evttohasain oačut ovdamearkan áviissain, televisios ja interneahdas.

Almmuhuskoarta boahtá ruoktot

Jus leat jietnavuoigadaahdin, dutnje sáddejuvvo reive ruoktot. Reivves leat guokte almmuhankoartta, go presideantaválggain sáhttet leat guokte jienasteami.

Almmuhankoarttain lea diehtu jienastanbáikkis válgabeaivvi. Mielde lea maiddái logahallan ovdajienastanbáikkiin.

Okta dahje guokte jienasteami

Presideantaválggain sáhttet leat guokte jienasteami. Jus muhtun evttohas oažžu vuosttas jienasteamis badjel beali jienain, son válljejuvvo njuolga presideantan.

Jus giige evttohas ii oaččo badjel beali jienain, ordnejuvvo nubbi jienasteapmi.

Vuosttas jienasteapmi lea 28.1.2018.

Vejolaš nubbi jienasteapmi lea 11.2.2018.

Ruovttujienasteapmi

Jus leat váddásit lápmášuvvan dahje guhkeságge buohcci, sáhtát jienastit ovddalgihtii ruovttustat. Ruovttujienasteamis oaččot lasi dieđuid iežat gieldda guovddášválgalávdegottis. Lávdegotti telefonnummir lea almmuhankoarttas.

Ná jienastat ovddalgihtii

Sáhtát jienastit presideantaválggas ovddalgihtii man beare ovdajienastanbáikkis.

Ovdajienasteapmi lea 17.–23.1.2018. Jus presideantaválggas ordnejuvvo nubbi jienasteapmi, dan ovdajienasteapmi lea 31.1.–6.2.2018

Váldde jienasteapmái mielde personduođaštusa, ovdamearkan pássa, personkoartta dahje vuodjinkoartta.

1. Čájet personduođaštusa válgvirgeolbmui.
Virgeolmmoš dárkkista dan ja addá dutnje jienastanlihpo.

2. Váldde mielde jienastanlihpo ja mana jienastančoskii.
Čále jienastanlihppui čielgasit
dan evttohasa nummira, gean jienastat.
Ále čále jienastanlihppui maidige eará.
3. Mähco jienastanlihpo gasku.
4. Mähca válgavirgeolbmo lusa.
Son steampilastá jienastanlihpo
ja addá dutnje ruškes válgakonfaluhta.
Bija jienastanlihpo konfaluhtii ja liibme dan gitta.
5. Válgavirgeoimmoš bivdá du vuolláičállit skovi.
Vuolláičállosiin dáhkida, ahte leat ieš deavdán jienastanlihpo,
ožzon dasa steampila ja gidden dan konfaluhtii.
6. Loahpas virgeoimmoš gidde válgakonfaluhta ja skovi fiskes sáttakonfaluhtii.

Go leat jienastan, sáhtát vuolgit ovdajienastanbáikkis.

Ná jienastat válgabeaivvi

Válgabeaivvi jienastanbáikkit leat rabas diibmu 9–20. Dárkkis almmuhankoarttas, gos du jienastanbáiki lea.

Váldde jienastussii mielde personuođaštusa, ovdamearkan pássa, personkoartta dahje vuodjinkoartta.

1. Čájet personuođaštusa válgavirgeolbmu.
Virgeoimmoš dárkkista dan ja addá dutnje jienastanlihpo.
2. Váldde mielde jienastanlihpo ja mana jienastančoskii.
Čále jienastanlihppui čielgasit
dan evttohasa nummira, gean jienastat.
Ále čále jienastanlihppui maidige eará.
3. Mähco jienastanlihpo gasku.
4. Mähca válgavirgeolbmo lusa.
Son steampilastá jienastanlihpo.

5. Luoitil jienastanlihpo válgaurdnii.

Go leat jienastan, sáhtát vuolgit ovdajienastanbáikkis.

Geas oaččot veahki?

Válgavirgeolbmot råvvejit du válgbáikkis sihke ovdajienasteamis ja válgabeaivvi.

Válgbáikkis lea maiddái válgaveahkki. Sáhtát bivdit su veahkkin válgačoskii, jus it ieš bastte deavdit jienastanlihpo.

Válgaveahkkin sáhttá doaibmat maiddái olmmoš, gean ieš leat válljen, ovdamearkan oapmahaš dahje lagašolmmoš. Veahkkin ii goittotge sáhte leat evttohas iige evttohas lagašolmmoš.

Válgaveahkki ii oaččo muitalit geasage, gean jienastit.

Válgasuollemasvuohta

Juohkehaš mearrida ieš, háliidago jienastit ja gean jienastit.

Válgasuollemasvuohta oaivvilda maiddái dan, ahte it dárbaš muitalit geasage, gean jienastit.

Jienas presideantaválggain!

Lassidiehtu jienasteamis:

vaalit.fi